



BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA BANKARSTVO
FEDERACIJE BOSNE I HERCEGOVINE

UPUTSTVO
ZA POPUNJAVANJE IZVJEŠTAJA BANKE
O VELIKIM IZLOŽENOSTIMA

Sarajevo, januar / siječanj 2021. godine

Na osnovu čl. 5. stav (1) tačka h) i 23. stav (1) tačka d) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17), člana 16. stav (1) tačka (k) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18) i člana 4. Odluke o izvještajima koje banka dostavlja Agenciji za bankarstvo Federacije Bosne i Hercegovine prema standardizovanim regulatornom izvještajnom okviru (COREP) („Službene novine Federacije BiH“, broj 86/20), direktor Agencije za bankarstvo Federacije Bosne i Hercegovine dana 18.01.2021. godine donosi

UPUTSTVO ZA POPUNJAVANJE IZVJEŠTAJA BANKE O VELIKIM IZLOŽENOSTIMA

I UVODNE ODREDBE

Član 1.

Predmet

- (1) Ovim Uputstvom za popunjavanje izvještaja banke o velikim izloženostima (u daljem tekstu: Uputstvo) se detaljnije propisuje izvještavanje, obrasci, način i metodologija popunjavanja obrazaca, koje banka dostavlja Agenciji za bankarstvo Federacije Bosne i Hercegovine (u daljem tekstu: Agencija).
- (2) Ovo Uputstvo je koncipirano na način da je u svakom izvještajnom obrascu sadržana i poveznica sa odgovarajućim članom Odluke o velikim izloženostima („Službene novine Federacije BiH“, br. 81/17; u daljem tekstu: Odluka) i Odluke o izračunavanju kapitala banke („Službene novine Federacije BiH“, br. 81/17, 50/19, 37/20 i 82/20), te detaljne informacije o podacima koji se iskazuju u svakom pojedinačnom obrascu.

Član 2.

Struktura i pravila

- (1) Izvještajni okvir za velike izloženosti sastoji se od četiri obrazca:
 - a) Obrazac C 26.00 - Ograničenja velikih izloženosti;
 - b) Obrazac C 27.00 – Identifikacija druge ugovorne strane;
 - c) Obrazac C 28.00 - Izloženosti u bankarskoj knjizi i knjizi trgovanja i
 - d) Obrazac C 29.00 - Podaci o izloženostima prema pojedinačnim licima iz grupa povezanih lica.
- (2) Izvještajni obrasci u zaglavlju sadrže podatke o nazivu banke i identifikacioni broj.
- (3) U izvještajnim obrascima, numerički su označeni redovi, kolone i ćelije, što predstavlja osnovu za primjenu kontrole ćelija i validaciju formula.
- (4) Svaki iznos koji utiče na povećavanje izloženosti iskazuje se kao pozitivna vrijednost. Nasuprot tome, svaki iznos kojim se umanjuju izloženosti iskazuje se kao negativna vrijednost. Ako negativan predznak (–) prethodi oznaci stavke, za taj iznos se vrši umanjenje.
- (5) U Uputstvu se primjenjuju sljedeće opće oznake: obrazac, red i kolona.
- (6) Svi iznosi u novčanim jedinicama navode se u hiljadama konvertibilnih maraka (u daljem tekstu: KM). Ostatak iznosa od 500 KM ili više zaokružuje se na jednu hiljadu KM, a ukoliko ostatak iznosi manje od 500 KM, zanemaruje se. Ako pojedinačna izvještajna pozicija iznosi manje od 500 KM, iskazuje se u izvještaju kao nula.
- (7) Sivo označene pozicije u izvještajnim obrascima se ne popunjavaju.
- (8) Obrasci navedeni u stavu (1) ovog člana su sastavni dio Uputstva i objavljuju se na službenoj web stranici Agencije.

II OBRASCI ZA VELIKE IZLOŽENOSTI

Član 3.

Opća pravila

- (1) U izvještajnim obrascima za velike izloženosti iskazuje se svaka velika izloženost definisana u skladu sa članom 5. Odluke, uključujući velike izloženosti koje se ne uzimaju u obzir vezano za pridržavanje ograničenja velikih izloženosti iz člana 6. Odluke.
- (2) U kolonama obrasca C 27.00 navode se informacije povezane sa podacima o pojedinačnim licima i grupama povezanih lica prema kojima banka ima izloženost.
- (3) U kolonama obrazaca C 28.00 i C 29.00 navode se sljedeće informacije:
 - a) vrijednost izloženosti prije primjene izuzeća i prije uzimanja u obzir efekata tehnika smanjenja kreditnog rizika, uključujući direktnu i indirektnu izloženost i dodatne izloženosti koje proizilaze iz transakcija gdje postoji izloženost prema odnosnoj imovini;
 - b) vrijednost izloženosti nakon primjene izuzeća i tehnika smanjenja kreditnog rizika;
 - c) vrijednost izloženosti nakon primjene izuzeća i nakon uzimanja u obzir efekta smanjenja kreditnog rizika izračunata za potrebe člana 6. stava (1) Odluke.
- (4) „Izloženosti” su definisane članom 3. Odluke i odnose se na:
 - a) bilo koju imovinu ili vanbilansnu stavku u bankarskoj knjizi i u knjizi trgovanja uključujući stavke iz člana 11. Odluke, ali isključujući stavke na koje se primjenjuje član 4. stav (6) tačke od a) do d) Odluke;
 - b) „indirektne izloženosti” su izloženosti koje se raspoređuju davaocu garancije ili izdavaocu kolaterala, a ne neposrednom dužniku u skladu sa članom 13. Odluke.
- (5) Izloženosti prema grupama povezanih lica izračunavaju se u skladu sa članom 4. stav (5) Odluke.
- (6) Vrijednost izloženosti finansijskih derivata iz Priloga II Odluke o izračunavanju kapitala banke utvrđuje se u skladu sa čl. 45., 46. i 47. Odluke o izračunavanju kapitala banke. Vrijednost izloženosti repo transakcije, transakcija pozajmljivanja vrijednosnih papira ili robe drugoj ugovornoj strani ili od druge ugovorne strane, transakcija sa dugim rokom namirenja i maržnih kredita može se odrediti u skladu sa dijelom V Odluke o izračunavanju kapitala banke koji se odnosi na tehnike smanjenja kreditnog rizika (u daljem tekstu: CRM tehnike).

Član 4.

Upute za popunjavanje obrasca C 26.00 - Ograničenja velikih izloženosti

C 26.00 – OGRANIČENJA VELIKIH IZLOŽENOSTI	
Redovi	
010	Nebankarske institucije Član 6. stav (1) Odluke Iskazuje se iznos primjenjivog ograničenja za druge ugovorne strane koje nisu banka. Taj iznos iznosi 25% od iznosa priznatog kapitala banke i odgovara iznosu koji je iskazan u redu 020.
020	Banke Član 6. stav (1) Odluke Iskazuje se iznos primjenjivog ograničenja za druge ugovorne strane koje su banka. Taj iznos iznosi 25% od iznosa priznatog kapitala banke.
030	Procenat za banke Član 6. stav (1) Odluke

	Iskazuje se procentualno izražen apsolutni limit iskazan u redu 020.
--	----------------------------------------------------------------------

Član 5.

Upute za popunjavanje obrasca C 27.00 - Identifikacija druge ugovorne strane

C 27.00 – IDENTIFIKACIJA DRUGE UGOVORNE STRANE	
Kolone	
010 - 070	<p>Identifikacija druge ugovorne strane Banka iskazuje podatke o pojedinačnom licu i grupama povezanih lica, a za koje se iskazuju informacije u obrascima C 28.00 i C 29.00. U skladu sa članom 21. stav (1) tačka a) Odluke, banka iskazuje podatke o pojedinačnom licu i grupi povezanih lica prema kojima ima veliku izloženost u skladu sa definicijom iz člana 5. Odluke.</p>
010	<p>Oznaka Oznaka je identifikator reda i mora biti jedinstvena za svaki red u obrascu. Oznaka se upotrebljava za identifikaciju pojedinačnog lica i grupe povezanih lica. Svrha ove kolone je povezati podatke o pojedinačnom licu i grupama povezanih lica iskazanim u obrascu C 27.00 sa podacima iskazanim u obrascima C 28.00 i C 29.00. Oznaka se treba unositi na sljedeći način: najprije će se unijeti oznaka za pojedinačna lica koristeći isključivo redne brojeve i nabrajajući ih po redoslijedu (1,2,3 itd. dok se ne navedu sva pojedinačna lica), nakon čega će se unijeti grupe povezanih lica nabrajajući ih po redoslijedu rednog broja. Npr. ako je banka iskazala 10 pojedinačnih lica za iste će koristiti redne brojeve od 1 do 10, a zatim će od rednog broja 11 iskazati grupe povezanih lica. U okviru pojedinačnih lica potrebno je iskazati i podatke o pojedinačnim licima koja pripadaju grupama povezanih lica. Oznake se trebaju upotrebljavati dosljedno cijelo vrijeme.</p>
020	<p>Naziv Za pojedinačna lica naziv odgovara nazivu tog pojedinačnog lica, a za grupu povezanih lica naziv odgovara nazivu grupe. Za grupe povezanih lica, naziv koji se navodi je naziv matičnog društva ili u slučaju kada grupa povezanih lica nema matično društvo, navodi se naziv nosioca grupe.</p>
030	<p>Identifikaciona oznaka druge ugovorne strane Identifikaciona oznaka za pojedinačna lica može biti JIB ili matični broj ili broj nekog drugog identifikacionog dokumenta. Za grupe povezanih lica, identifikaciona oznaka druge ugovorne strane se ne iskazuje.</p>
040	<p>Sjedište druge ugovorne strane U ovoj koloni banka iskazuje boravište/sjedište pojedinačnog lica u skladu sa rješenjem o osnivanju pravnog lica, a za fizička lica prema potvrdi o boravištu. Za grupe povezanih lica, sjedište se ne iskazuje.</p>
050	<p>Sektor druge ugovorne strane Svakom pojedinačnom licu dodjeljuje se jedan sektor na osnovu sektorske strukture iz izvještaja o sektorskoj strukturi kredita. Za grupe povezanih lica, sektor se ne iskazuje.</p>
060	<p>Šifra djelatnosti NACE Za pojedinačna lica koja se odnose na pravne subjekte, iskazuju se šifre u skladu sa NACE šifarnikom djelatnosti.</p>

	Za grupe povezanih lica, šifra djelatnosti NACE se ne iskazuje.
070	Vrsta druge ugovorne strane n/p

Član 6.

Upute za popunjavanje obrasca C 28.00 - Izloženosti u bankarskoj knjizi i knjizi trgovanja

C 28.00 – IZLOŽENOST U BANKARSKOJ KNJIZI I KNJIZI TRGOVANJA	
Kolone	
010	<p>Oznaka Oznaka je identifikator reda i mora biti jedinstvena za svaki red u obrascu. Oznaka koja se iskazuje za pojedinačno lice ili grupu povezanih lica u ovom obrascu mora odgovarati oznaci koja je iskazana u obrascu C 27.00. Oznake se upotrebljavaju dosljedno cijelo vrijeme.</p>
020	<p>Grupa povezanih lica ili pojedinačno lice Banka navodi „1” za izvještavanje o izloženostima prema pojedinačnim licima ili „2” za izvještavanje o izloženostima prema grupi povezanih lica.</p>
030	<p>Transakcije gdje postoji izloženost prema odnosnoj imovini Član 4. stav (7) Odluke Kada banka ima izloženosti prema pojedinačnom licu za koju se iskazuju podaci na osnovu transakcije u kojima postoji izloženost prema odnosnoj imovini, navodi se ekvivalent odgovoru „Da”, u suprotnom slučaju navodi se ekvivalent odgovoru „Ne”.</p>
040 - 180	<p>Incijalne izloženosti Čl. 3., 4. i 5. Odluke. U ovoj grupi kolona, banka iskazuje incijalne izloženosti direktnih izloženosti, indirektnih izloženosti i dodatne izloženosti koje proizilaze iz transakcija u kojima postoji izloženost prema odnosnoj imovini. U skladu sa članom 3. Odluke, bilansne i vanbilansne stavke upotrebljavaju se bez pondera rizika i stepena kreditnog kvaliteta. Kreditni faktori konverzije ne primjenjuju se na vanbilansne stavke. Ove kolone sadržavaju inicijalnu izloženost, odnosno vrijednost izloženosti bez uzimanja u obzir vrijednosnih usklađenja i rezervisanja koje se odbijaju u koloni 210. Definicija i izračunavanje vrijednosti izloženosti navode se u članovima 3. i 4. Odluke. Vrednovanje imovine i vanbilansnih stavki provodi se u skladu sa primjenjivim računovodstvenim okvirom koji se primjenjuje na banku. Izloženosti koje predstavljaju odbitnu stavku od regulatornog kapitala, a koje nisu izloženosti u skladu sa članom 4. stav (6) tačka e) Odluke uključuju se u te kolone. Te se izloženosti odbijaju u koloni 200. Izloženosti iz člana 4. stav (6) tačke a) do d) Odluke ne uključuju se u te kolone. Incijalne izloženosti uključuju sve stavke imovine i vanbilansne stavke u skladu sa članom 11. Odluke. Izuzeci se odbijaju za potrebe člana 6. stava (1) Odluke u koloni 320. Uključuju se izloženosti iz bankarske knjige i knjige trgovanja.</p>
040	<p>Ukupna inicijalna izloženost Banka iskazuje zbir direktnih i indirektnih izloženosti, te dodatne izloženosti koje proizilaze iz izloženosti transakcijama u kojima postoji izloženost prema odnosnoj imovini.</p>

050	<p>Od čega: u statusu neizmirenja obaveza Član 61. Odluke o izračunavanju kapitala banke. Banka iskazuje onaj dio ukupne inicijalne izloženosti koji je jednak izloženostima sa statusom neizmirenja obaveza.</p>
060 - 110	<p>Direktne izloženosti Direktne izloženosti znače izloženosti prema neposrednom dužniku.</p>
060	<p>Dužnički instrumenti Dužnički instrumenti uključuju dužničke vrijednosne papire, kredite i avanse. Instrumenti uključeni u ovoj koloni su oni koji ispunjavaju uslove za „kredite sa inicijalnim dospeljećem do i uključujući jednu godinu/iznad jedne godine i do i uključujući pet godina/iznad pet godina”, ili za „vrijednosne papire osim dionica”. Repo transakcije, transakcije pozajmljivanja vrijednosnih papira ili robe drugoj ugovornoj strani ili od druge ugovorne strane (transakcije finansiranja vrijednosnih papira) i maržni krediti uključuju se u ovoj koloni.</p>
070	<p>Vlasnički instrumenti Instrumenti uključeni u ovoj koloni su oni koji ispunjavaju uslove za „Dionice i ostale udjele” ili za „Dionice/ udjele u novčanim fondovima”.</p>
080	<p>Finansijski derivati Član 2. stav (1) tačka ss) i Prilog II Odluke o izračunavanju kapitala banke Instrumenti koji se iskazuju u ovoj koloni uključuju finansijske derivate iz Priloga II Odluke o izračunavanju kapitala banke i transakcije sa dugim rokom namirenja iz člana 2. stav (1) tačka ss) Odluke o izračunavanju kapitala banke.</p>
090 - 110	<p>Vanbilansne stavke Prilog I Odluke o izračunavanju kapitala banke. Vrijednost koja se iskazuje u ovim kolonama je knjigovodstvena vrijednost prije svakog umanjenja za rezervisanja po gubicima za vanbilansne stavke i bez primjene faktora konverzije.</p>
090	<p>Preuzete obaveze po kreditima Prilog I tačke 1. (c), 2. (b) 2), 3. (b) 1) i 4. (a) Odluke o izračunavanju kapitala banke Preuzete obaveze po kreditima su čvrste obaveze pružanja kredita pod prethodno definisanim uslovima osim onih koji su derivati, jer se one mogu namiriti u neto gotovinskom iznosu ili isporukom ili izdavanjem drugog finansijskog instrumenta.</p>
100	<p>Finansijske garancije Prilog I tačke 1. (a) i (e) Odluke o izračunavanju kapitala banke Finansijske garancije su ugovori prema kojima su izdavaoci dužni izvršiti određena plaćanja kako bi imao nadoknadili gubitak koji je nastao zbog toga što određeni dužnik nije izvršio plaćanje po dospeljeću u skladu sa inicijalno ugovorenim uslovima ili izmijenjenim uslovima dužničkog instrumenta.</p>
110	<p>Ostale preuzete obaveze Ostale preuzete obaveze su stavke iz Priloga I Odluke o izračunavanju kapitala banke koje nisu uključene u prethodne kategorije.</p>
120 - 180	<p>Indirektne izloženosti Član 13. Odluke U skladu sa članom 13. Odluke banka može koristiti metodu zamjene ako za izloženost prema klijentu garantuju treća lica ili ako je ona obezbijedena</p>

	<p>kolateralom koji je izdala treća strana.</p> <p>U ovoj grupi kolona banka iskazuje iznose direktnih izloženosti koje se preraspoređuju izdavaocu garancije ili izdavaocu kolaterala pod uslovom da bi njemu bio dodijeljen jednak ili niži ponder rizika od pondera rizika koji bi bio primijenjen na treću stranu u skladu sa Poglavljem III, Kapitalni zahtjevi za kreditni rizik, Odluke o izračunavanju kapitala banke. Direktna izloženost odbija se od izloženosti prema inicijalnom dužniku iz kolone „Priznate tehnike smanjenja kreditnog rizika”. Indirektna izloženost povećava izloženost prema izdavaocu garancije ili izdavaocu kolaterala pomoću metode zamjene. To se primjenjuje i na garancije date unutar grupe povezanih klijenata.</p> <p>Banka iskazuje inicijalni iznos indirektnih izloženosti u koloni koja odgovara vrsti direktne izloženosti koja je obezbijeđena garancijom ili kolateralom kao na primjer kada je direktna izloženost obezbijeđena garancijom dužničkih instrumenta. Iznos „Indirektna izloženosti” koji se dodjeljuje izdavaocu garancije iskazuje se u koloni „Dužnički instrumenti”.</p>
120	<p>Dužnički instrumenti</p> <p>Vidjeti kolonu 060.</p>
130	<p>Vlasnički instrumenti</p> <p>Vidjeti kolonu 070.</p>
140	<p>Finansijski derivati</p> <p>Vidjeti kolonu 080.</p>
150 - 170	<p>Vanbilansne stavke</p> <p>Vrijednost koja se iskazuje u ovim kolonama je knjigovodstvena vrijednost prije svakog umanjenja rezervisanja po gubicima za vanbilansne stavke i bez primjene faktora konverzije.</p>
150	<p>Preuzete obaveze po kreditima</p> <p>Vidjeti kolonu 090.</p>
160	<p>Finansijske garancije</p> <p>Vidjeti kolonu 100.</p>
170	<p>Ostale preuzete obaveze</p> <p>Vidjeti kolonu 110.</p>
180	<p>Dodatne izloženosti koje proizilaze iz transakcija gdje postoji izloženost prema odnosnoj imovini</p> <p>Član 4. stav (7) Odluke</p> <p>Dodatne izloženosti koje proizilaze iz transakcija gdje postoji izloženost prema odnosnoj imovini.</p>
190	<p>(-) Vrijednosna usklađenja i rezervisanja</p> <p>Član 5. stav (3) i član 44. Odluke o izračunavanju kapitala banke</p> <p>Vrijednosna usklađenja i rezervisanja za bruto izloženost iz kolone 040 iskazuju se u ovoj koloni.</p>
200	<p>(-) Izloženosti koje predstavljaju odbitnu stavku od regulatornog kapitala</p> <p>Član 4. stav (6) tačka e) Odluke.</p> <p>Iskazuju se izloženosti koje predstavljaju odbitnu stavku od regulatornog kapitala, a koje se uključuju u različite kolone Ukupne inicijalne izloženosti.</p>
210 - 230	<p>Vrijednost izloženosti prije primjene izuzeća i CRM-a tehnika</p> <p>Član 21. stav (1) tačka b) Odluke.</p> <p>Banka iskazuju vrijednost izloženosti prije uzimanja u obzir efekata smanjenja kreditnog rizika, ako je to primjeljivo.</p>

210	<p>Ukupno Vrijednost izloženosti koja se treba iskazati u ovoj koloni jest iznos koji se upotrebljava za utvrđivanje da li je izloženost velika izloženost u skladu sa definicijom iz člana 5. Odluke. To uključuje incijalnu izloženost nakon što se oduzmu vrijednosna usklađenja i rezervacije i iznos izloženosti koje predstavljaju odbitnu stavku od regulatornog kapitala.</p>
220	<p>Od čega: bankarska knjiga Iznos bankarske knjige iz ukupne izloženosti prije primjene izuzeća i CRM-a tehnika.</p>
230	<p>% regulatornog kapitala Član 2. tačka e) i član 6. Odluke. Iskazuje se postotak vrijednosti izloženosti prije primjene izuzeća i CRM-a tehnika povezanog sa priznatim kapitalom banke, kako je definisano u članu 2. tačka e) Odluke.</p>
240 - 310	<p>(-) Priznate tehnike smanjenja kreditnog rizika (CRM) Čl. 10., 12. i 13. Odluke. Tehnike CRM-a kako su definisane u članu 2. tački dd) Odluke o izračunavanju kapitala banke. Za potrebe ovog izvještavanja, tehnike CRM-a iz Poglavlja V Tehnike smanjenja kreditnog rizika (CRM), Odluke o izračunavanju kapitala banke upotrebljavaju se u skladu sa čl. 12. i 13. Odluke. Tehnike CRM-a mogu imati dva različita efekta u režimu velikih izloženosti: efekat zamjene i materijalna kreditna zaštita osim efekta zamjene.</p>
240 - 290	<p>(-) Efekat zamjene priznatih tehnika smanjenja kreditnog rizika Član 13. Odluke Iznos materijalne i nematerijalne kreditne zaštite koji se iskazuje u ovim kolonama odgovara izloženostima za koje garantuju treća lica ili koje su obezbijeđene kolateralom koji su izdala treća lica, ako banka odluči tretirati tu izloženost kao izloženost prema izdavaocu garancija ili izdavaocu kolaterala.</p>
240	<p>(-) Dužnički instrumenti Vidjeti kolonu 060.</p>
250	<p>(-) Vlasnički instrumenti Vidjeti kolonu 070.</p>
260	<p>(-) Finansijski derivati Vidjeti kolonu 080.</p>
270 - 290	<p>(-) Vanbilansne stavke Vrijednost koja se iskazuje u ovim kolonama je vrijednost bez primjene faktora konverzije.</p>
270	<p>(-) Preuzete obaveze po kreditima Vidjeti kolonu 090.</p>
280	<p>(-) Finansijske garancije Vidjeti kolonu 100.</p>
290	<p>(-) Ostale preuzete obaveze Vidjeti kolonu 110.</p>
300	<p>(-) Materijalna kreditna zaštita osim efekta zamjene Član 12. Odluke Banka iskazuje iznose materijalne kreditne zaštite, kako je definisano u članu 2. tačka ee) Odluke o izračunavanju kapitala banke, koji se odbijaju od vrijednosti izloženosti zbog primjene člana 12. Odluke.</p>

310	(-) Nekretnine n/p
320	(-) Izuzeća Član 11. Odluke Banka iskazuje izuzeća iz režima velikih izloženosti.
330 - 350	Vrijednost izloženosti nakon primjene izuzeća i CRM-a tehnika Član 21. stav (1) tačka d) Odluke Banka iskazuje vrijednost izloženosti nakon uzimanja u obzir efekata izuzeća i primjene tehnika smanjenja kreditnog rizika izračunatu za potrebe člana 6. stava (1) Odluke.
330	Ukupno U ovoj se koloni uključuje iznos koji treba uzeti u obzir radi usklađenja sa ograničenjem velikih izloženosti iz člana 6. Odluke.
340	Od čega: bankarska knjiga Banka iskazuje ukupnu izloženost nakon primjene izuzeća i nakon uzimanja u obzir efekata CRM-a tehnika koji pripada bankarskoj knjizi.
350	% regulatornog kapitala Iskazuje se postotak vrijednosti izloženosti nakon primjene izuzeća i CRM-a povezanih sa priznatim kapitalom banke kako je definisano u članu 2. tački e) Odluke.

Član 7.

Upute za popunjavanje obrasca C 29.00 - Podaci o izloženostima prema pojedinačnim licima iz grupa povezanih lica

C 29.00 – PODACI O IZLOŽENOSTIMA PREMA POJEDINAČNIM LICIMA IZ GRUPA POVEZANIH LICA	
Kolone	
010 - 360	U obrascu C 29.00 banka iskazuje podatke o pojedinačnim licima koji pripadaju grupama povezanih lica koje su uključene u redovima obrasca C 28.00.
010	Oznaka Kolone 010 i 020 složeni su identifikator reda i zajedno moraju biti jedinstveni za svaki red u obrascu. U koloni 010 iskazuje se oznaka pojedinačnih lica koja pripadaju grupama povezanih lica i ista treba odgovarati oznakama pojedinačnih lica koje su iskazane u obrascu C 27.00.
020	Oznaka grupe Kolone 010 i 020 složeni su identifikator reda i zajedno moraju biti jedinstveni za svaki red u obrascu. U koloni 020 iskazuju se oznake grupa povezanih lica i iste trebaju odgovarati oznakama grupe povezanih lica koje su iskazane u obrascima C 27.00 i C 28.00. Ako lice pripada nekoliko grupa povezanih lica, ona se iskazuje kao član svih grupa povezanih lica.
030	Transakcije gdje postoji izloženost prema odnosnoj imovini Vidjeti kolonu 030 obrasca C 28.00.
040	Vrsta povezanosti Vrsta povezanosti između pojedinačnog lica i grupe povezanih lica označava se pomoću: „a” u smislu člana 2. tačka u) Grupa povezanih lica, alineja 1) Zakona o bankama (kontrola); ili „b” u smislu člana 2. tačke u) Grupa povezanih lica, alineja 2) Zakona o bankama (ekonomska ili finansijska međupovezanost).
050 - 360	Uputstva su jednaka onima za kolone 040-350 u obrascu C 28.00.

III ZAVRŠNE ODREDBE

Član 8.

Prestanak važenja uputstva

Danom primjene ovog Uputstva prestaje da važi Uputstvo za popunjavanje izvještajnih obrazaca za velike izloženosti broj: 01-4915/17 od 22.12.2017. godine.

Član 9.

Stupanje na snagu

Ovo Uputstvo stupa na snagu danom donošenja i objavljuje se na službenoj web stranici Agencije, a primjenjuje se počev od izvještavanja sa finansijskim datumom 31.12.2020. godine.

Broj: 01-172/21

Sarajevo, 18.01.2021. godine

DIREKTOR, s.r.

Jasmin Mahmuzić